

Q. D. B. V.

DISPUTATIO INAUGURALIS MEDICA  
DE

# RHACHITIDE

QUAM

GRATIA DIVINA ASSISTENTE  
EX DECRETO FACULTATIS  
MEDICÆ

*P R A E S I D E*

D. ALEXANDRO CAME-  
RARIO

THEORIÆ ATQUE PRAXEOS  
PROFESS. ORDIN.

*FACULTATIS SUÆ H. T. DECANO*

PRO LICENTIA

HONORES DOCTORALES LEGITIME  
CAPESSENDI

*ERUDITORUM EXAMINI PUBLICO SUBMITTIT*

ERNESTUS CONRADUS BRODBECK

UNTEROEWSHEIMENSIS

*AD DIEM XXVI. SEPT. MDCCXXXV.*

HOR. LOCOQ. CONS.

---

*TUBINGÆ*

LITTERIS SCHRAMMIANIS.

THE UNIVERSITY OF CHICAGO  
LIBRARY

PHYSICS

1911

1911

1911

1911

1911

1911

1911

1911





Σ. Θ.



*D* *Academiae Caesareae Naturae Curiosorum Praesidem Illustrem abs me transmissa quondam observatio legitur inserta Volumini Actorum Ejusdem Physico Medicorum primo, cui titulus: Anatome Rhachitici, cum alba ossium carie singulari. Fas est, servare vel tandem ibi publice datam fidem, & quae in debitum cadere morum Doctores juriumque Consulti dicunt, promissis stare. Quemadmodum igitur anno superiori Tumorem exposuimus Praecordialem Internum, ibidem quoque recensitum; Ita nunc, paucis translata prius huc historia, pagellas aliquot dabimus huic sutoris puero Rhachitico, adimpleturi simul hac ratione desiderium Domini Candidati Respondentis, qui pro Disputatione sua Inaugurali casum aliquem postulavit medicum. Veriti autem rideri, si chorda rursus oberremus eadem, instruemus hac vice scenam aliter, & praetermissa plane casuum analogorum ex observationum medicarum promtuariis collectione, generalem magis morbi theoriam adornabimus, dicendorum abunde tamen adhuc reperturi. Quantum sit beneficium, gigni hominem nascique sanum, & hinc crescere ad formae suae complementum, id sane non alias aequè intelligitur, ac ubi sunt in conspectu, quae privantur illo, personae miserabiles. Fit hoc ipsum nimis quam frequenter, & modo quam multiplici. Subsistamus tantisper in limine vitae nostrae,*



& primam hominis aetatem, nec eam quidem secundum illud  
 omne, quo morbis obnoxia est, sed ex affectibus numero ac spe-  
 cie diversis unum modo, cujus tyrannidi subest ipsius infirmi-  
 tas, in Disputationis thema seligamus. Veneramur providen-  
 tiam divinam per omne sanitatis & morborum negoti-  
 um. Sub ejus nutu, quid mali, & quibus de causis, patiantur  
 infantes, quos laborare Cardiaca Germani, Rhachitide Angli  
 dicunt, indagare constituimus. Thema vulgare quidem, non  
 eo minus tamen resolutu difficile, nec minus grave familiae, si  
 quam tenet, tristi spectaculo, magno Parentum cordolio,  
 quantum majori, ac ubi forte suas, quas plantavit, arbusculas  
 hortulanus videt, atque dolet, non vegetari, non proficere,  
 sed in perversum detorqueri, humiles, contortas, aut quibus-  
 dam quasi gibbis deformes fieri. Publici interest, haberi pu-  
 blicam hujus morbi curam, & conjunctim vult tractari, quod  
 loci est non unius, sed adeo late se extendit. Suppono cognitam  
 esse omnibus Glissonii, Majovii, Bootii, Primerosii, Petiti, &c.  
 professam in hoc argumento operam; meretur enim legi, &  
 prolixior est, quam quæ paginis hisce tota possit inseri. De-  
 cerpendum modo nobis erit, quicquid ad ætiologiam declaran-  
 dam precipue facere videbitur. Collectis vero, atque inter se  
 collatis, Practicorum sententiis, pluribus etiam & gravioribus,  
 ac quidem speraveram, dubiis deprehensis, quo minus abso-  
 lute per theses affectum tradam, prohibeor. Suam itaque etiam  
 Alii, qui de publico bene mereri cupiunt, conferre operam,  
 aut supplementa parare poterunt. Ego variorum diversos,  
 quos offendi, conceptus expositurus & examinaturus, quid  
 mihi vero passim videatur similis, candide proponam; Quid  
 Tibi Lect. Ben. de istis videatur, expectabundus; Interea  
 Divinam clementiam iterum venerabundus, ut in hac, & omni  
 medicinæ, tam docendæ quam faciendæ, parte me ducat ad  
 Sui Nominis Gloriam, & verum Proximi commodum!



“Videtur omnino locum inuenire etiam in hoc obseruationum medicarum promptuario Sutoris *Puer Rha-chiticus*, ( quales etiam ejus fratres & sorores tantum non omnes ) capite magno, facie turgida, corporis autem habitu consumto, pedibus gracilibus, debilibus, neque tamen curvis aut distortis, diu admodum respirans difficulter, cum abdomine magno & tenso, æstu & sudore continuo, durante tamen per omnes has, & dicendas adhuc, symptomatum alternationes mirabili voracitate, jacens diu pedibus ad corpus retractis, usque dum octo ante mortem diebus istos iterum extenderet, tandem satis *acutely mortuus*, anno ætatis quinto proxime complendo. Scil. d. 27. Jul. 1720. ante tertiam matutinam, in lectulo suo jacens vocavit patrem, proxime accumbentem atque dormientem, osculum ab ipso petens, & in latus converti volens; quod ipsum pater dum exsequitur, puer exserta lingua improvise expiravit.

Principium malorum dictorum dicendorumque omnium voluit adscribi *fracturæ* ossis *femoris* dextri, quam contraxerat lapsus super planam hypocausti aream, cujus autem curatio protracta fuit in quartum fere mensem usque, puero abhinc ne pedibus quidem amplius insistere, multo minus ambulare, vel audente vel potente; cum tamen prius, diu ante ossis fracturam, & variolas superasset feliciter, & omnino sanus videretur suis, matrique sese socium ubique jungeret, in hortum ipsam frequenter comitari solitus.

Addendum tamen & hoc: Progressu temporis pes iste dexter factus usque melior, sinister vero postea correptus, modo dubio, statim dicendo.

Scil. ab isto tempore pronati puero fuerunt *Tumores* tres: *Primus* in cornu *frontis* sinistro, cuti sanæ concolor, ovum æquans magnitudine, durus, indolens, diu in eodem manens, tandem, cum major & plane mollis fieret, neque tamen doleret, ruberet, aut caleret unquam, a Chir-



urgo *male* apertus, nihil nisi *sanguinem* effudit fluidum bene multum, inde vero ulcus reliquit ad usque vitæ terminum, sed jam planum; quippe tumor omnis subsederat.

*Secundus* priori similis, fuit supra flexuram cubiti dextræ in humero, modo major, modo minor, crescens & decrescens varie; unde & factum, ut nunquam aperiretur.

*Tertius* fuit in femore sinistro antico, supra genu, ovæ anserini magnitudine, diu Chirurgum vexans, visus modicus, aperendus, modo non; cuti sanæ, ut priores etiam, color, nisi quod interdum in medio rubesceret, nec multum nec diu. Mansit hic tertius, cum secundo, per *sesquiannum* clausus, non ulceratus sponte, nec apertus a Chirurgo.

Miselli igitur hujus corpusculum post mortem aperire nobis diu id desiderantibus, atque nunc enixe petentibus facile (raro quidem in plebe exemplo) concessum, opellæ vero isthac & inspectione nostra etiam fuisse dignum, comprobatum fuit. Cujus proin potiora huc redeunt:

I. *Ulcus* illud sinistræ frontis, olim humidum, jam siccum fuit, cutis retracta, cranium oboli magnitudine a pericranio denudatum; Circumcirca vero *membrana* densa, spissa, similis illi dicendæ in humero & femore. An pericranium? An peculiaris membrana, sanguinem prius quæ continuum

Sub hac *cranium* ipsum, magnitudine alicujus florentinæ *tenue*, quasi unica modo superesset lamina mobilis, *arrosus* fuit & *perforatum*, non tamen nigrum, nec foetidum, undentes alias cariosi, nisi parum, naribus admotum.

Subjacens dura mater fuit vere dura, spissa & tenax, qua incisa plurimus emanavit sanguis fluxilis, illæsa comparente pia matre, illæso subtus cerebro.

II. In humero dextro, supra flexuram ejus cum cubito, deprehensa fuit, proxime sub integumentis jacens, *tunica* spissa, quasi cartilaginea, quæ materiam conclusit, & aperta effudit, albam, grumoso lacti, aut caseoso coagulo similem.



Hac evacuata comparuit *os exesum*, consumtum, ut digitus hiatui transverso potuerit inferi. Reliquum ossis utrinque jam ad digiti latitudinem arrosus, perforatum, ut digitis prementibus facile cederet.

Ulterius autem inquirentibus reliquum ossis ad axillam equale, album, solidum, comparuit, illæsis etiam cubiti ossibus.

III. Incisione facta, non profunda, secundum longitudinem femoris (nam tabe consumpta ubique fuit musculosa substantia) perventum fuit iterum ad similem *tunicam*, crassam, densam, firmam, imo paucis, proprie cartilagineam, qua obvolvebatur tumor.

Hac aperta profluxit *liquor* priori similis, paulo quidem spissior, fluidus tamen, albus, caseosus, non foetidus, ad tres circiter uncias æstimatus.

Hinc oculis patuit, & digito immisso constitit, sub hoc tumore *defuisse os* ipsum, ibi prorsus *consumtum*, in medio tractu, dum pars superior ad coxam, & brevior ad genu essent in salvo.

Quemadmodum in integumentis nulla putredo; ita & hic *nulla ossium nigredo*, nullus item *fætor* singularis, sed quæ superfuerunt frustula de osse consumto perrosa fuerunt, alba omnia. Defecit itaque os inter extremitates pariter arrosas, utrinque ad digiti latitudinem.

Firmavit hanc quasi fracturam, ut femur tamen maneret rectum, sufformavit tumorem, materia conclusa gravidum, *Tunica* ista firma, an ad Atheromatis similitudinem folliculus peculiaris? an periostium?

*Caries* ista *alba* ultra non ascendit, nec descendit per reliquam ossis femoris substantiam, sed dicto *terminata* mansit spatio.

Nullum ex cariosis istis, in fronte, cubito, femore, ossibus fuit *tumidum*, vel mole auctum, sed magnitudinis naturalis.



Ceterum Ventriculus & Intestina mirum quam fuerunt inflata, unde etiam ante apertionem abdomen durum fuit atque tensum instar tympani.

Hepar magnitudine sua superavit hepar alicujus vituli, obtulit quidem in superficie maculas aliquot purpureas; interior tamen ejus substantia fuit naturalis.

Lien, Renes, Mesenterium, Vesica, Omentum, bene se habuerunt.

Pectus anticum fuit acuminatum, costæ autem utrinque depressæ, atque reliquum thoracis spatium internum a prædicta abdominis constitutione eo magis angustatum. Hinc pulmones parvuli, maculis quibusdam notati lividis pleuræ versus dorsi vertebrae aliquantum adhærentes.

Cor sanum, præterquam quod auricula dextra fuerit justo major, sanguine repleta fluido. Nullus polypus, nullus grumus, nec aliud sanguinis obstaculum fuit deprehensum.

Bubones, quos in utroque latere per vitam habuit frequentes, modo majores, modo minores, fuerunt parvuli glandularum colorem referentes naturalem, nec pus, nec calcem, vel tophum, continentes. Fractum ante biennium *os femoris dextri* deprehensum coaluisse quidem firmiter, sed linea non recta, verum plane ad angulum obtusum. *Callus* autem comparuit rubicundus, fibris ex utraque extremitate quasi ligamentosis, cartilagineis, semet invicem amplexantibus, atque firmiter tenentibus. *Nihil hic cariosum consumptum nihil.*

Quod superest, & tam ad ultimum historiæ totius complementum, quam ad evolutionem ejus, atque comparisonem cum analogis quibuscunque aliis, spectaret, id quidem occasione reservamus Academicæ, prolixius & pro dignitate, uti par est, tractandum.,



**R**hachitis græcum quid sonat; In *Hippocratis* tamen & *Galen*i scriptis frustra quæreretur. ῥαχίς quidem, spina dorsi, & ῥαχίτης atque ἰωτιαῖος μύελος, spinalis, dorsalis medulla, ibi occurrit, insuper musculi, qui spinæ superjecti sunt, ῥαχίται, nominantur; Minus autem Rhachitis ita absolute posita. Venit enim hic terminus non tam ex Græcia, quam potius ex Anglia. Analogiam utique græcam medicam præ oculis habuit, quisquis ex Medicis Anglis (quis enim fuerit, nullibi invenio) primus novæ rei novum nomen impertiendi, vel libertatem, vel necessitatem sibi impositam esse putavit, s. subjectum modo morbi, s. simul & causæ designare voluerit: Uti phrenitis alias, pleuritis, nephritis, arthritidis, suarum partium dolores & inflammationes dicunt; quorum tamen neutrum in rhachitide est evidens. Quicquid hujus sit, nomen, publici juris semel factum, Medicis placuit, & usu receptum mansit hætenus. Itaque, si græcam observes originem, & nota medicis nomina, rha, rhevma, rhiza, rhodos, rhus; videtur scribendum fore rhachitis: Uti *Rhacosis*, lacer scroti, panni detriti modo, abscessus dicitur, aut ulcus *rhacodes*, cujus varia corrosio *rhacoon*, lacerum pannum, refert. *The Rickets* Anglorum, utrum deducatur a rhachitide? aut a dorso, *der Ruken*, Germanorum? crisi Istorum relinquam. Certe interpres J. GRAUNTI recte dixit, *die Ruken-sucht*. Illud magis operæ fuerit pretium: Utrum nomen rei, quam designant, præternaturali sit convenientius? *Rhachitis* Anglorum; An *Cardiaca* Germanorum? (quoniam & hoc nomen in hoc sensu novum esse, & Veteres nec affectum nostrum, nec cordis palpitationem, sed stomachi dolorem dixisse Cardialgiam, doceat L. Fuchsius noster in *Instit.*) Quæ quidem quæstio præsupponit adhuc

B aliam



aliam : *An* , & *quantum* , *convenient* illi duarum Nationum morbi infantiles? Cui ad latus pono tertiam: *An* *novus* sit adfectus? Aut, cur pro novo fuerit habitus? Quarta, & præcipua, sequetur ista : *Quæ causæ* sint affectus hujus adeo frequentis, ut alibi, sic & apud nos?

Resolutioni harum daturus operam, conquiram primo phænomena, quæ Angli rhachitidi suæ unanimes tribuunt; Sic non erit difficile Nostratibus, suam in ipsis observare cardiacam. Quandoquidem vero omnes corporis partes illa pervadunt, nec simplex unius membri malum, sed concursum passionum variarum important, ordine igitur suo per partes istas ibo.

Primo adspectu omnium minime pati videtur *Caput*, & plus promittere boni, quam in recessu quidem habet corpus reliquum; ut multum falleretur, qui ex sola facie bene habita, cetera non conspecti, jacentis sedentisve, rhachitici ipsum judicaret. Ut ut etiam simul observaret vigorem ibi sensuum, & alacritatem ingenii. Hoc scilicet unum est ex phænomenis singularibus, quod mirantur, quotquot attendunt, pueruli talis mentem præstare suis viribus, dum suis destituitur corpus subiectum. Non est ergo facies ipsis quæ vocatur hippocratica, nisi tandem ad finem, aut accedat forte phthisis; Sed ut dictum, minus desiderari circa caput, historiæ pars est notabilis. Qui tamen accuratius examinant ipsos, inæqualitates forte deprehendunt aliquas, & frontis dextræ protuberantiam; Caput fit quibusdam *majus*, & gravius, quam quod ab infirmo collo possit fere sustineri. *Fontanella* cranii, *commisura suturarum*, obfirmari tardat & coalescere. Manet illud *Plinii Histor. Natur. Libr. XI. Cap. XXXVII.* de cerebro: *Unus* hominum infantia palpitat, nec roboratur ante primum sermonis exordium. Qui cadavera secue-

runt



runt rhachiticorum, docent, *cerebrum* peccasse sola mole & proportionem; fuisse ipsis *jugulares* & *carotides ampliores*; quibusdam inter meninges *aquam*; tandem emortuali modo *vix riguisse collum*.

Ad caput etiam spectat, quod Angli minus exprimunt, Nostris autem perquam familiareprehenditur, phænomenon circa *dentes*, qui statis mensibus non erumpunt, sed moras nectunt, ut omnino huc referri debeat *Dentitio ægra & tarda*; Nec hæc sola, sed & intempestivus & præmaturus iterum eorum *lapsus*. Quemadmodum *Hippocrates Epidem. Libr. VI. Sect. VIII. §. 23.* ætatem ab ætate distinguit hoc ipso, quod prius vel posterius, quam convenit, fiant dentium eruptiones, prima quidem ordinarie mense septimo, permutatio autem anno septimo; Ita *Epid. L. IV. §. 25.* puero phagædena laborantidentes inferni, & supernorum ac infernorum anteriores, emergebant, cavum habebant, s. ut *Commentator* explicat, excidebant suis alveolis, & hos pro dentibus relinquebantcavos. Observans enim *Cous* temporis; qui *Epidem. L. II. §. VI.* tempora partui, dentitioni, nutritioni legitima, mensem septimum, nonum, decimum, eosdem porro puororum mutationibus legitimos contendit, & ordine recenset dentitionem, tempus dandi cibos solidiores, & solvendi manus, & ambulandi, & edendi voces, & loquelæ, ultimo subjungens: *Voce soluta, tandem omnia solvuntur*. Pervertit istum ordinem rhachitis, sistit vel retardat processum, loqui prius, quam stare, vel incedere, facit infantes, vacillare iterum & elabi dentes ante tempus, quo, si succrescant novi, bene quidem cum talibus agitur.

*Medius venter* habet *sternum* anterius *acuminatum*, ut gallinæ pectori soleat comparari, tandem adeo *carinatum*. Ad latera autem retrahitur introrsum, fit angustum, macrum,



crum, compressum; ex altero latere quasi gibbosum extrorsum vidi. Exhibet juxta seriem *cartilaginum* in costis *nodos*. Illam, quam *ensiformem* vocant, *cartilaginem* acutam *prominentem*. (qualis quidem obstetricum metuendæ jam in *recens natis* signum est cardiacæ.) A parte postica est illa *dorsi spina*, de qua prius, plus minus *curva*, arcus instar varie flexa, modo magis vel extrorsum vel introrsum, alias vero magis ad latus vel alterutrum vel utrumque; quantus enim & qualis a rectitudine sua sit *dorsi recessus*, magnam per individua differentiam admittit. Qua sub læsione conformationis lædi etiam varie pectoris actionem, *respirationem* impediri, necesse est. Ab Anatomicis interim *pulmones* describuntur modo non eodem: quibusdam *magni*, tumidi; quibusdam *contracti*; sæpius *infarcti* audiunt, sæpissime *adnati*; (quam adcretionem viscerum utriusque ventris suspicantur, & adcusant, inprimis nostrates.) nonnullis *strumosi*, *purulenti*. Frequentior in *thoracis*, quam abdominis quidem, *cavo aqua*.

*Venter infimus* observatur justo *major*, plenior; Tumidius inprimis, & *distentum* magis, *hypochondrium* dextrum, ut sub *costas nothas* digiti non possint adigi. (notabile iterum Nostris phænomenon, & *adnascentiæ* illius *signum*.) Anatome docuit, integumentis macilentis viscera subesse magna, *hepar* maxime *prægrande*, quod universale rhachiticis notant, non æque tamen *durum*, aut vitiosum. *Lien* quibusdam dicitur in salvo; aliis etiam *magnus*, durus. *Mesenterium* aliquando intemeratum; alias glandulis majoribus, si non strumosis, obsessum. *Ventriculus* denique, & *intestina*, flatibus distenta, majorem quoque solito spatii partem occupant.

Nec denique *artus* carent vitio. Unum ex evidentibus est in *carpis*, quorum articulatio communiter fit *nodosa*,  
sine



sine dolore tamen, *the doubling of the joints*, juncturarum duplicatio Anglis dicta. *Pedes* distorquentur, curvantur, plus minus; pueruli fiunt varie *valgi*, *vari*, *compernes*. *Standi & ingrediendi potentia* suo tempore in actum non erumpit, aut, quæ forsan adfuit, iterum imminuitur. Sedentibus ludendum est talibus; & pedibus quidem plerumque decussatis. Quodsi committere talem velis pedibus suis, ut tandem aliquando insistat ipsis, videbis ipsum hos *retrahere*, ut hæreat corpore pendulus, dum sub axillis prehenfus tenetur, sine nervo, sine rigore ad consistendum requisito. Quod ergo corporis est, præter caput & ventrem, minus nutritur, sensim extenuatur & enervatur, unde tabis & atrophix species habetur *rhachitis*, *exilioribus* quoque notatis, per habitum corporis exteriorem, *venis ac arteriis*.

Sequuntur *Rhachiticorum fata*, quæ tristitia patriæ suæ Angli perhibent, quia misellorum talium magnus quotannis abripiatur numerus; Ita tamen, ut diversos mali gradus simul agnoscant, & mitiora quorundam fata observent. Dum *Phthisin*, *Hæticam*, *Hydropem*, succedanea funesta citant, graviolem utique rhachitidis ibi conditionem innuunt, ubi endemia est phthisis, scorbutus, & quæ sunt alia ipsis mala gravia. Minus utique male se habebunt, minusque periclitabuntur, quibus patria obtigit melior, liberior, in totum, vel in tantum. Multa enim sunt, quæ superveniunt, non quidem necessario, accedere tamen possunt, aut complicari. Abripiuntur quidam quasi in fieri, alii tenentur diu; usque dum vel publica lues, variolæ, dysenteria, &c. eos acute abripiat, aut lenta tabes consumat. Interim *affectus* ipse *chronicus*, exacerbationes experitur varias, & superveniunt ipsi paroxysmi tam febriles, quam



spas modici, aut colliquativi, pro caufarum perquirendarum & fubjecti conditione ac diverfitate. *Spasmi* vel partes torquent, e. g. *pectus*, unde formidatus adeo noftris *dela-  
pfus* ille, atque *tractio anhelitus*; aut *vesicam*, unde *dysuria* quædam; vel in nervum erumpunt univerfalem *epilepti-  
cum*. Neque *Vermium* hic oblivifcar, qui comitari ma- lum, quin adgravare, admodum frequenter folent. Non defunt tamen, qui præfervantur a talibus, aut liberantur iterum, quorum vitia emendantur, fub ufu remediorum, aut progrefſu ætatis, ita faltem, ut quibusdam tamen ali- quid hæreat, ftaturæ aut ftructuræ maneat detrimentum aliquod, difproportio quædam, major minorve. Ita funt, quos vulgus noftrum notat, ex ventre fuo turgido vel tan- dem quaſi excrefcere. Sunt etiam, quibus, juxta obfer- vationem c. *Riverio* communicatam, fponte naturæ, ut plu- rimum circa ætatis annum tertium vel quartum, tibiæ & mufculi firman- tur, ut ad naturalem ftatum partes redeant. Dum aliis damnum permanens in corpore pumilo, pi- gmæo, quin diftorto, conditionem infert miferabilem.

Ego autem fub finem hiftoriæ hujus præternaturalis, collectis undique & confideratis phænomenis, *Cardiaca* Ger- manorum, & *Rhachitis* Anglorum, in quo non conveni- ant, quid commune ipsis non fit, haud invenio, neque differentiam effentialem, vel deprehendo, vel agnofco. Spi- næ rationem forſan minus fuiſſe habitam, ut in hac hifto- ria, fic in fequenti ætiologia, facile conceſſero.

Suam Angli rhachitidem volunt eſſe morbum *novum*. Vulgatiffimus, ſcribit BOOTIUS, eſt in Anglia, uti & in Hi- bernia, ab aliquot annis, ubi antea ſolebat eſſe *rariſſimus* atque *vix cognitus*. JAC. PRIMEROSIUS: Morbum, inquit, quem *novum* eſſe credunt, anno 1628. in oppido Southam-  
pton



*pton Rickets* vocari primum audivi, eodemque anno in agro *Eboracensi* observavi, ubi nomen illud erat ignotum. H. BOERHAAVE quidem in suis d. *cogn. & cur. morb. aph.* §. 1480. illam *medio fere seculi decimiseptimi* jam adscribit. In catalogis tamen mortuorum, quotannis Londini typis publicis exscribi solitis, the rickets ante annum 1634. non occurrere, observat JO. GRAUNT, qui hoc novitatis argumentum profert: Non inveniri aliud morbi genus in istis catalogis, sub quo vel potuerit illa tum latere, vel debeat intelligi. Nec enim esse eandem cum *Hepatite*, der *Lebersucht*; neque cum *adscensu pulmonis*, aut *obstructione ventriculi*; morbis, tum oriri demum, & in catalogis mortuorum noviter occurrere, solitis. Quod mihi tamen ita simpliciter quidem admittendum nullatenus videtur; quippe qui in dictis tabulis priorum annorum, quos idem ille sistit, & dentire, excrescere infantum, parvulosque mortuos, jam reperio; ut de tabe, & convulsionibus, nihil quidquam dicam, quæ suos ibi formant titulos. Imo, ipse Graunt adscensum pulmonum & obstructionem stomachi, juxta cum hepatite, vel esse reliquias rhachitidis, vel ad eam pertinere, tandem præten-

*Non autem ita Patriæ nostræ nova est Cardiaca.* Qui in *Memorabil. Medic.* Abavi mei JO. RUD. CAMERARII *Cent. XX. P. LXI.* citatur MICH. RUCKERUS, qua ipsam ratione fuerit curare solitus, spinæ lumborumque non oblitus, quin his inunctiones suas, æque ac præcordiis, destinans, laudati prius *L. Fuchsi* Collega fuit senior, Facultatis Medicæ Decanus, cum ante, hoc ipso Septembri mense completa, duo secula, sub auspiciis Divinis, repurgaret Universitati nostræ sacra, pulsisque traditionum tenebris, claræ Evangelii lucem restitueret, gloriosæ memoriæ Dux  
ULRI-



ULRICUS. ( Faxit Deus, ut Academiae jubilæum hoc bono nomine fit vere secundum, nec intercidat unquam redditum nobis hoc cimelium, sed cum verbo Ipsius maneat in æternum! )

Deinde, OSWALD. GABELCHOVERUS, Archiater Wurtembergicus, cum suam remediorum sylvam, ex mandato Ducali scriberet in vernacula (factum autem id ipsum fuit an. 1595.) sua ibi quoque proponit evporista adversus cardiacam *fürs Herzgesperr*, sine ulla de novitate morbi mentione. Quod vero morbum alium ibi non intellexerit, docent verba *desß Arzney Buchs*, pag. 128. 133. *Vom abnehmen, da Arm und Fuesß lummelet, und die Bäuchlein offternal gross; da sie ein Zäpfle im Herzgrueble haben. &c.*

Liceat huic addere tertio remedium, a Germanis suo morbo, præ anglis, oppositum, cui nomen ab ipso morbo dederunt, *Herzgesperr*, *Herzgespann*, *Herbam* scil. *Cardiacam*, MATTHIOLO, DODONÆO, GESNERO, TABERNÆMONTANO, FUCHSIO, jam ita dictam, de qua vel olim SCHROEDERUS in *Pharm.* Peculiariter medetur distensionibus hypochondriorum, cardiacæque infantum, quem adfectum cardiacam, seu cardialgiam, adpellant. Atque JO. JONSTONUS, in *Id. Univers. Med.* L. XII. qui de puerorum morbis, Tit. III. proponit hypochondriorum inflationem, in qua infantes angustia, & oris ventriculi compressionem, *cardiaca*, & difficili respiratione laborare notat, dicitque: Externe fomenta per *decocta cardiacæ* profunt.

Interim memorabile est, quod duas, *temporis & loci*, circumstantias sic attendunt Angli; Imo, quod morbum istis novum apud Ipsos mansisse, & per annos incrementa sumsisse, docent. Londini ad annum 1660. the ricket in incremento fuisse, quotannis ad 500, mortuos, refert GRAUNT. De illo autem tempore, scil. ab anno 1658. ad



ad 1664. RICH. MORTONUS in App. *Pyretol.* scribit: Si unquam alias, fere tota hæc insula, saltem mensibus autumnalibus, nosocomii publici speciem præ se ferebat; quam scil. affligebat febris continens epidemia. Persuaderi igitur vix ac ne vix quidem potero, venisse ad nos rhachitidem ex Anglia; Uti quidem olim lues quædam ab illis toto divisus orbe Britannis venisse legitur, *Sudor Anglicus* dicta, de qua expertus ipse quondam noster MART. CRUSIUS in Annalibus suis ad annum 1529. & ex Medicis iterum noster L. FUCHSIUS in Comm. Sext. Epid. nec minus noster quoque DAN. MOEGLINGIUS, Disp. d. *Peste*. §. 128. Si prior apud nos, quod fide quidem historica evictum esse confido, Cardiacæ, communicatio autem & migratio quædam morbi statuenda est, tum descendisse potius illam ex Germania, & in Angliam trajecisse, dicendum esset. Belgio certe valde gravem esse, ajunt, qui inde veniunt, & abunde docet cap. penult. BOERHAAVII l. c. Quin, quo plures evolvo auctores, eo pauciores Europæ provincias excipi deprehendo. GAL-LIA profecto neutiquam excipitur. *Lutetiæ Parisiorum* enim sibi visam Rhachitidem dixit jam olim BOOTIUS; Inter plebeculam *Lugdunensem* pueris non infrequentem notavit SPONIUS; uterque FORMIUS, tam ille, cujus est observatio inter illas RIVERII, quam alter, qui de capillo veneris scripsit, prior cruribus varis, posterior laudibus remedii adversus consumptiones parvulorum ab obstructionibus mesenterii, videtur omnino probare, rhachitidem vel in delicatis etiam ad mare mediterraneum *Galliæ Provinciis* non esse penitus incognitam. Et quid multa, ad *Eph. Nat. Curios.* conceptis verbis scriptum ex *Marchia Brandenburgica*, quod ab illo tempore rhachiticorum ibi plures sint, ex quo *Gallorum Exules* tanto numero ad Ipsos venerint. Vocari autem a Gallis solita rhachitis fuit *la Chartre*, &

C

infan-



infantes, illa laborantes, *des Enfans Noués*. Quo minus immunem credam *Italiam*, monet me *pædarthrocace*, pariter novum & ad analogiam græcam factum nomen, PANDOLPHINO & SEVERINO designans fixam puerorum ossibus spinam, Arabum ventosam; Item, quæ de gibbo, valgus atque varis, docet posterior, quæ tamen recurrent in sequentibus.

Illud autem hinc colligo. Quandoquidem non fati constat, utrum passio rhachitica regioni uni præ alia sit gravior, frequentior, idque constanter, a longo tempore, aut transitorie modo, per paucos annos, plures paucioresve parvulos corripiat, mereri ante omnia hoc phænomenon quod expediatur, ut, quantum *tempori locove* debeat, determinari possit. PRIMEROSIUS quidem hoc habet: Notandum est, vix unquam cerni in *rusticorum* puerulis, sed *Nobilium* atque *Civium* ditiorum. Quare vero urbani, non biles aut divites, communius afficiantur, hanc dedit rationem: quia tractantur mollius atque delicatius. An hæc observatio adhuc hodie obtineat inter Anglos, nescio. Per patriam bene scio, malum utique diffundi etiam per pagos solis oppidis non concludi: prout epidemiæ dantur tam urbanæ, quam rurales. Excipientur autem rusticorum illi qui vel obfirmantur robustiores, vel educantur aliter. Aut causis quærendis non exponuntur, aut iis non tam ferendis, quam superandis, pares sunt.

*Dices*: Si novus hic morbus non est, cur ergo non est inter illos, quos longo ordine, ubi ex professo hoc agit, recenset HIPPOCRATES in *Aphor. Sect. III.* d. morbum ætatum? Ad hoc responderi posset, prout fieri solet de aliis morbis, quorum novitas quoque controvertitur, scorbutolue venerea, variolis, petechiis, &c. Scil. *Vel* illo tempore & loco, quo medicinam *Cous* exercuit, morbum hunc



hunc fuisse rariorem, leviozem, five quod clima illud clementius, five quod diæta vitiis adhuc minus obnoxia, aut causæ quæcunque porro accusandæ minus ibi locum haberint. *Vel Hippocratem non siluisse.* Nam in illa ipsa *Sect. III. Aph. XXVI.* legitur vertebræ introrsum luxatio. Et in *Epidem. L. II. S. II. §. 29.* pluribus communis morbus, ex eodem principio ortus, prolixè describitur. Quæ, si forte minus huc quadrare videantur, addi possent verba CORN. CELSI sequentia, quibus verba, num & mentem? Cui expressit generalius ita: *Vertebrarum, quæ in spina sunt, inclinationes aliquæ.* Ulterius rhachitidem Anglo- rum adumbrasse Hippocrates videtur JAC. SPONIO in *Aph. Nov. Sect. III. §. 71.* cum resiccatorium medullæ spinalis affectum *L. II. d. Morb. & d. Inst. Aff.* proponit. Sed de hac ἀϋαντή, aut de hoc ἀϋαίνεσθαι, uti & de tabe dorsali, & de gibbo a causa interna, pluribus aliquando in parte tractationis meæ altera.

*Dices porro: Cui bono autem hæc?* Sive descripserit, five præterierit, aut plane nesciverit, cardiacam aut rhachitidem HIPPOCRATES. Ita est. Transmittat hæc, qui volet. Sunt tamen, quibus ista curæ sunt, ex duplici capite. Tam enim operæ censent pretium, historiam morborum secundum omnes temporum & locorum differentias compleri; Quam praxin medicam ex fontibus genuinis hauriri. Leget, qui volet, *M. Listeri præf. d. Morb. Chronicis*, ubi de morbis non novis, & de Veterum in observando diligentia. His, si placuerit, addat GE. BAGLIVI commendationem seculæ lectionis Hippocraticæ. Et, ut quadriga Auctorum fiat, etque scriptorum modernorum etiam aliquid accedat, JO. GOD. HAHNII *Variolarum antiquitates nunc primum ex Græcis erutas*; juxta cum PAUL. GOTTL. WERLHOFII *disq. d. Variol. & Anthrac.*



Sic itaque ordo nunc me ducit ad examen & adplicationem *causarum manifestarum*, quas rhachitidi & cardiacæ bene diversas adtribuerunt hætenus diversi. Fuerunt, qui *externas* saltem advocarunt. Ita *Primerosius*: Non se prodit, antequam nutrices puerulos *pedibus* temere *committant*, ut ambulare discant, antequam pedes & vertebræ corpus sustinere possint. Aut *arctè* nimis *ligent* fasciis circa thoracem. Vix quisquam sine istis nutricum erroribus in hunc affectum incidet. Exprobrationes & querelas tales medicorum atque chirurgorum invenio passim. *Hagendorni* Historia XXXI. centuriæ III. huc transcribi deberet integra. Est autem ipsi titulus: *Curva Puerorum Crura*. Etenim membra tenellorum tortuosa & informia adscribit culpandæ matrum & nutricum, vel negligentiae vel imprudentiae, dum molliusculos adhuc vel stare, vel sedere, cogunt diutius, aut indecenter & justo arctius stringentes gestant. Confert igitur invicem cerea ipsorum crura, & superi molem corporis, unde effectus ille tristis quo triennes jam, vel sexennes, pedibus tamen vix dum insistere, nedum incedere valent. Similiter huc spectat *Borelli* Obs. LIX. Cent. II. *Hist. rar. med. phys.* quæ inscribitur: *Phthisis Puerorum Causa*. Ille enim terminus ibi non strictè sumitur. Taxat vero hic eandem *fasciationem* arctiorem, qua comprimuntur costæ, & pectus acutum redditur. Ejusmodi, pergit, fuit in urbe castrensi obstetrix quæ infantes omnes, quos ab eorum ortu sic involverat vel tabidos, vel languente tamen & imperfecta sanitate præditos, reddiderat. Ideoque a vulgo habebatur pro saga &c. E contra videmus, pueros rusticos pectoribus amplis præditos. &c. Late culpam istam per regiones & familias extendit *Fabr. Hildanus* Obs. XCIX. Cent. II. deducens a *arcta strictura* gibbos, genuum deformitates, atque tibi-  
rum protuberantias. Cum quibus conferri poterit ex lau-  
da



dati ABAVI *Memor. Medic. Cent. X. partic. XCI.* cui tit. *Ex strictioribus arctioribusque infantulorum involucris, gibbositas.* FELO-WURTIUS in *App. Chir.* addit refrigerationem intempestivam, ipse expertus infantes incurvatos, *Krummstarrig*, qui vix per horulam infederant lapidi frigido. (quo referri juxta BOERHAAVIUM l. c. debent etiam *sellæ perforatæ*, quibus, nudato inferius corpore, infantes committi solent.) Prosequitur hinc ulterius illos, qui curvantur & resolvuntur cruribus, a *decubitu, ligatura*; nec parentum obliviscitur, qui præcociter cum suis ludunt, sub axillis levando trahunt, *pedibus committunt*, dum ferendis istis omnibus membra tamen necdum obfirmata sunt. Quæ quidem Auctorum Cautelæ omnes legi utique merentur, & adtendi, illisque ex modo citatis *Memor. Med. Cent. XIV. partic. 43. atque Cent. XI. part. 40. & 42.* adhuc addi ratio: *Cur infantes nonnulli ad sinistram, quam ad dextram, fiant proniores?* quæ in fasciatione ac decubitu in ipsis cunis quæritur. Specimen ejus rei præbere potest ipsius figura capitis, quæ comparet interdum valde deformis, dum recens modo eluctatur ex angustiis partus, ab obstetrice tamen haud admodum difficulter tam restituitur in statum naturalem, quam formari posset pro lubitu plus minus in oblongum, vel rotundum. Denique non minus exemplo esse potest alterum vitæ ac miseriæ humanæ extremum, Senectus, cui etiam arcuatur dorsi spina, præsertim apud myopas, a consueta & longa corporis inclinatione antrorsum.

Altius, & ab intra, morbi deducunt originem Alii, & monent, habendam esse rationem *Parentum* generantium, matris vel *nutricis* lactantium. Considerari ergo debent adcuratius parentes, quorum infantes, vel omnes, vel quidam, primi vel ultimi, aut unus & alter ex medio numero, pueruli forte magis, quam puellulæ, fiunt rhachitici.



Penes quem potior videatur esse culpa, patrem, matremne? An vir duarum successive conjugum, ex una, non altera, generet rhachiticos? quantum conspirent ad hunc effectum, vel una pars alterius, vel defectum, vel errorem, aut suppleat, aut corrigat. BOOTIO suspecta fuit vel patris, vel matris, calida & ficca *intemperies viscerum*, maxime pulmonis & hepatis. Multum ergo contribuet in genere parentum intemperies, cacochymia, vel nativa, vel per morbos introducta debilitas, afflicti eorum forte status, cum generarent, sub privatis aut publicis calamitatibus, belli, penuriæ, morbonæ, & hinc oriunda *febrilis, scorbutica*, quid quod etiam *venerea, tinctura*. Neque horum oblitus BOERHAAVE §. 1482. dicit, tanto magis infestam proli rhachitidem futuram, quo parentes morbis chronicis, venere, ætate, magis exhausti, imprimis tabi venereæ, & gonorrhœis iteratis, multum obnoxii, effoctam genituram impenderunt generandis liberis. In specie, qui infantiam perpeffi olim fuerunt infirmam, morbosam, maxime, qui ex rhachitide ipsi utcunque fuerunt eluctati, aut ab illa tamen manserunt pigmæi, habebunt quod metuant, quod in suis agnoscant, aut, si omnes hi feliciter succrescunt, submissas Deo gratias agant. Quanti enim sit dispositio hæreditaria in fundanda œconomia animali, certius atque notius est, quam ut abs me confirmari demum postulet. Incidit hic quod memini me legere alicubi apud *Hippocratem*: Oblongam capitis figuram, quæ aliquibus placuerat, primo in parvulis ab externa compressione oriundam, transisse postmodum in naturam, ut procrearentur inde similiter figurati,

Pergit BOOTIUS ad utero gerentium, & lactantium, *errores in diæta*, accusat & exprobrat ipsis vini, cerevisiæ fortioris, aquarum vitæ, ficeræ, (cur non etiam *coffe*, imo thermo-



thermoposix reliquæ) crebriorem atque largiorem usum, inde causam cum lacte derivat in foetum. Talem caliditatem & ficitatem, talesque earum causas, nullus dubito probari nostris, & conformem credi suæ de adcretionem viscerum hypothese. Hinc culpa communiter referri solet in *lac* tale *calidum*, & ex ficitate oriundam *sitim*, quæ potu debito non temperetur. Aliud qualitatis illius principium deprehendi in manuscripto quodam, ( quod, dum ætatem fere sesqui secularem habet, iterum confirmat, quod de rhachitidis antiquitate supra dictum. ) Cardiacam inde communiter venire, quod matres tenellos infantes lavent in *aqua nimis fervida*; Ex quo partium omnium, præsertim spermaticarum; calidum evocetur, dissipetur, atque facultas vegetandi, siue naturalis, omnium partium infirmetur. Quam bene igitur est, quod similia legantur apud BOERHAAVIUM, qui l. c. §. 1484. infantes balneo, fotu, linimentis, unguentis, & vaporibus humidis ( quos quidem ficos natura nullos novit. ) enervatos allegat. Concederem forsan hoc temporibus istis priscis, quibus balneandi major fuit & voluptas & frequentia. Sed nunc adeo suos raro balneant nostræ, ut causæ prætensæ raritas effectus frequentix vix respondeat. Imo prudens balneorum usus in therapia rhachitidis laudem forte merebitur. Recordor tamen matris, quæ anniculi sui progressum in dentibus pedibusque minus felicem deducere voluit a *balneo salicis*, quod præservationis gratia instituerat. Sed ad *potum* redeo, quia in *Historia Morb. Uratisl.* ann. 1699. de atrophiam tam lactantium, quam ab lactatorum, hæc invenio: Quotquot pueri cum abdomine prætumido, & contabescencia nobis oblatis, quorum numerus certe non minimus, illos omnes *noctu potum frigidum* sumere consuevisse comperimus. Non scribam generale valetudinarium infantile, neque causas igitur



igitur omnes recensebo: Inter eas tamen, culpari quæ communiter solent, prætermittere non possum, quin jure suo accusem quoque *Addiphagiam*, multitudinem, varietatem, soliditatem, visciditatem, ficitatem &c. ciborum.

Ubi nullus in parentibus, vel in nutrice, ac nutritione & educatione, comparet defectus, ad cæcas vel tandem, quæ subsint, causas recurrit BOOTIUS, quarum in censum refert *Astrorum influxum*. Sane, ut in aliis permultis, scribit, humani corporis affectibus, ita in hoc quoque siderum aspectus isti vel procreando, vel fovendo, magnopere interviunt. Astrologicis quidem ego nolim implicari litibus. Viderint Genethliaci, quæ cum certitudine futuram infantis non profecturi debilitatem possint prædicere. Viderint etiam adversarii, an sufficientibus instantiis, vel rationibus factis stringentibus, illos vel explodere, vel in superstitiosorum numerum referre possint. Quorum neutrum ego quidem ausim, quoniam artem non calleo, prædictiones autem eventu interdum confirmari audio.

Aliud est *Imperium Solis & Lunæ* in corpora humana, & morbos horum inde oriundos, quod demonstrasse sibi quondam visus fuit *Rich. MEAD*. Aliud item, quod planetarum aspectus subinde vel signant vel cient; quos si vel maxime ad tempus quidam videantur eludere, personæ tamen debiliores solent sentire. Quibus transmittendum est primum ex his tribus, integrum tamen manet, posteriora duo ad lydium experientiæ lapidem revocare & examinare.

Aliud, sed adhuc occultius, principium innuit JONSTONUS l. c. ubi tradit, maciem infantum oriri etiam a *fascinatione*. Quod arripient faciles, qui tenellam & pulchellam ætatem, vel ipso monente vulgo, volunt laudari, sed *præfiscini*. Sunt profecto loca, sunt homines, quibus hodiernum modo gravior esse creditur, modo magis exploditur magia

fasci-



fascinatorum multifariam, ut, præter Dispp. de hoc themate ex professo scriptas, omnique laude dignas, Desider. Patruī B. ELIÆ CAMERARII, ZWINGERI atque DETHARDINGII, huc imprimis spectaret, quod ad nos quidem nondum pervenit, ex Disputatione tamen Duisburgensi innotuit, HEISTERI Programma Helmstädiense, quo demonstrare contendit, infantes, quos supposuisse aut substituisse Diabolus credebatur olim, inde cambiones, vulgo *Wechselbälge* dictos, fuisse rachiticos. Qualem JONSTONUS proponit fascinationem, & explicat per corporum male affectorum contactum, vel per morbosorum eorum effluvia, eam facile admisero. Aliter comparatum est cum vi superioris ordinis, quæ incantatos tenet, ac interdum fati graviter torquet; Huc non recurram ante, quam res medicorum non- & præter-naturales ad producendum affectum non sufficere deprehendero; nec, nisi probe excussis naturæ viribus, morbos eam transcendere dixerō.

Non quasi nulla sit Naturæ obscuritas, dum utique causas rerum qui quærunt nimis quam frequenter aquam hædere sibi experiuntur, sed quod intra ipsius tamen sphaeram manere liceat. Specimen esto ex *Aphor. 12. S. III.* quo a perversa tempestate metuendum dicitur, qui deinceps nascuntur infantes, vel cito interituros, vel futuros tenues & valetudinarios. Cui ex *Aphor. Aphor. Wedelii* adscribam sequentem: Inæqualitas ætheris teneriores & recens natos ferit magis, si principia vitalia imprimis minus robusta sint. Et quandoquidem ita temporis iterum incidit mentio, huc etiam referam illud *Sydenhami*: observari rachitides veras, cum *dominantur tertianæ*. Quod intelligendum de liberis, vel genitis a parentibus febrem talem perpeffis, vel quos ipsos febris non præteriit epidemia, sed reliquit, aut  

D

fui



fui loco induxit, rhachitidem: Subit enim infans communes suis externas injurias, participat de diætâ eorum suo modo, habetque insuper sibi proprias turbarum causas, in vermibus, dentibus, &c. Sic dentitio, quæ partem mali prius dicebatur constituere, nunc causæ quoque rationem induit. De morbis autem acutis infantum GUALT. HARRIS observat, dum in ventre inferiore agitur tragœdia, dolor tamen aliquantum mitior curationi qualicunque, forsitan imperitæ, cedit, quod in tumorem abdominis duriusculum sæpe desinat, qui in nonnullis aut rhachitidi, aut scrophulis producendis commode subserviat.

Quo ipso moneor, ut illorum ætiologiam paucis quoque subjungam, qui rhachitidem dicunt esse *Scorbutum* infantum, consequentem forsitan ad febres istius modi auctumnales, quæ scorbuticos vel invadunt, vel faciunt, quæque rhachitidis vel causæ vel coeffectus sint. Ita certe docuit *Schelhammerus* in *d. morborum ætat.* & ossa flexiliora, curvari solita, deduxit a glutine lymphæ, per sal scorbuticum deperdito, ab ossium fibris non satis arcte ferruminatis; uti gibbositatem a feruitiis, & rhachitidem lymphæ nutritiæ vitio foveri, in *Pathol. sua Dogm.* quondam dixit *Wedelius*, aut a solidorum compage laxa, fluidorum vero dispositione cacochymica frigida, mucosa & inertis, quibus cum sæpe latens venenum venereum conjunctum sit, (conceptis quidem BOERHAAVII verbis, ex §. 1488. transcriptis.) in disp. sua inaugurali prius cit. recentior derivavit Dn. *Melm.* GLISSONIO tamen scorbutus inter illos morbos est, quibus cum rhachitis interdum quidem, non autem semper conjungi potest, ita scilicet, ut dependentiam ab illis, eorumve causis, vel nullam, vel perquam exiguam habeat; quoniam vel hæreditarius, vel

per



per contagium contractus, vel regionis & diætæ vitio productus, aut aliis morbis superveniens, ad quem defectu exercitii rhachiticus disponitur.

Via prorsus alia incedit THEOPHR. PARACELSUS, qui *causas externas* omnes videtur *penitus excludere*. Non est, inquit ille occasione gibbi, quod incuses obstetricem, vel matrem, scil. ut dicas, quod afficiantur infantes facile, dum membra sint adhuc mollia, quoniam talia æque facile hernach verwachsen. Habet ergo agens, quod errare possit; quale sunt hodiernum adeo multi, qui volunt in omni negotio vitali, adeo, ut ex hac ratione nolint immediate recurrere ad causam, de qua dici nequeat illud prædicatum. Et quemadmodum de gibbo, *vom Hofer*, non æque partium aliarum prius vitium adducit, sed incipit ab ipsis vertebris, costis, ossibus, & inæqualitas horum ipsi negotium absolvit, quippe unum eorum hinc deformat alterum; Ita principium horum omnium ipsi est *Natura errans*, humana conditio aberrationi obnoxia. Quam erroris causam vellet, non exprimit, sed in suæ Naturæ erroribus toties subsistit; Adeo, ut cum alibi gibbo causam assignet facultatis crescitivæ spasmus, (quem postea *Helmontius* assumpsisse videtur & explicuisse.) de causa tamen ejusdem occasionali altum ubique sit silentium; quin imo subnasci possit alicui dubium: Annon spasmus ille ad tensionem vel tractionem illam curvantem pertineat? *Die Natur*, inquit, *hat ihr Maas, wie alle Ding seyn sollen, die Bein, die Ligamenten, &c. und es fehlt ihr oft, wie uns unsere Anschläge fehlen. Wann sie eine costam, oder cannam, zu lang macht, dass die Natur überscheust.* Sic si una aut altera costa reliquis natura longior, facit gibbum, *natura wächst für*, & facit altum pectus; vornen in Armen, uti etiam

D 2 infra



infra genu, sunt duæ cannæ, si harum altera a natura zu-  
lang ist, & ligamenta tamen non possunt extendi, ideo *so*  
*schlægt es sich über einander*, & facit gibbum, *so beugt es*  
*sich dann raus, und vwendt sich*. Addit quoque, tale prin-  
cipium occultum esse posse adhuc, cum nascuntur pueri,  
& sæpe in nativitate nondum adparere, sed in decennio,  
vel alias demum, se primo prodere. Nec multum ab-  
ludit, quod inter causas morborum conformationis de  
gibboloc. cit. dicit *Wedelius*, *Archeum*, in rectilineari sua  
distributione *turbatum*, non posse aliter, ac *erronee*, de  
corpore *disponere*. Quibus *Idem* conformiter loquitur et-  
iam in *Disp. d. Dentit. Infant.* hanc enim vel anticipare,  
vel retardari, *Archei nutu* partiumque vigore pendere  
asserit. Fere sicuti quondam CONRINGIUS *d. Nat. & Dol.*  
*Dent.* in universo dentitionis negotio peculiarem & propri-  
am quandam vim facultatis vegetatricis, sed frequentem  
non minus aberrationem ejus, & agentem spiritum, ac  
vivificam facultatem, cum FALLOPIO, contendit. Verum  
enim vero, singula hæc in singularibus & individualibus  
contingere, concedi forsan posset; Sed omnia in uno  
rhachitico, & horum omnibus, concurrere, nimium mihi  
quidem videtur esse pro errante natura, neque cum  
phenomenis reliquis supra dictis cohærere &  
conspirare.

T A N T U M !